

四庫全書

史部

欽定四庫全書

政和五禮新儀卷八十五

吉禮

皇帝祭神州地祇儀上

時日

齋戒

奏告

陳設

車駕自大慶殿詣青城

省牲器

奠玉幣

進熟

望燎

車駕還內

時日

前期降御札以今年立冬後祭神州地祇太常寺帖太

史局擇日太史局得日報太常寺參酌訖中奏具時日散告

齋戒

前祭十日庾明有司設行事及陪祠文武官位于朝堂

太宰刑部尚書在北南向太宰在左刑部尚書在右

刑部

尚書行事太宰左丞在南吏部戶部禮部尚書吏部禮

稍却

部侍郎大司樂光祿卿大樂令光祿丞在其南

凡設大樂令以

下位皆稍却如朝獻朝享執事官又於其南俱北向西

即初亞獻官在光祿丞下

上監察御史位二在西東向北上讀冊舉冊官奉禮協

律郎太祝郊社太官令在東西向俱北上

奉禮郎以下位皆稍却

設陪祠文武百官位於行事官之南又設行事及陪祠

親王宗室位於太廟齋坊少宰刑部侍郎在北南向少

宰在左刑部侍郎在右

刑部侍郎稍却

亞終獻在南北向西上

親王及行事執事陪祠宗室位在東稍北西向北上東

上閤門御史臺太常寺以下分引羣官各就位

凡將引行事執

事陪祠文武官立班即御史臺引殿中侍御史一員先入就位

太宰讀誓於明堂刑部

尚書涖之少宰讀誓於太廟齋坊刑部侍郎涖之誓文

曰今年某月某日皇帝祭神州地祇

如朝獻朝享即云前二日朝獻景靈

宮前一日

各揚其職其或不恭國有常刑讀訖

內朝堂執事官

奉禮郎以下文官宣德郎以下武官從義郎以下先退

餘官並對拜訖退

皇帝散

齋七日于別殿致齋三日

三日于大慶殿一日于初所齋殿若朝獻朝享即一日于

大慶殿一日于太廟一日于齋殿

凡散齋不弔喪問疾作樂有司不奏

刑殺文書致齋之日前後殿不視事惟行祭事前致齋

一日殿中監帥其屬尚舍鋪御座于大慶殿當中南向

設東西房於御座之左右稍北又設西閣及齋室于殿後之左右殿上前楹施簾致齋之日質明有司陳大駕鹵簿于宣德門外尚輦陳平輦於垂拱殿庭文武百官俱就次各服其服東上閣門奏請皇帝未後詣齋室通事舍人等自下分引知樞密院事以下詣垂拱殿庭立班東上閣門附內侍進班齊牌垂拱殿簾降皇帝乘輦出至殿上少駐輦官迎駕自贊常起居次舍人上殿簾捲鳴鞭行門禁衛諸班親從迎駕自贊常起居次舍人

先贊知內侍省官以下常起居次樞密以下通班常起居贊祇候引駕樞密知客省以下至簽書東上閣門官分左右立六尚局應奉官祇應武功大夫以下並先退次管軍臣僚宣名常起居贊祇候引駕並分左右前導輦降東階垂拱殿門外禁衛諸班親從自贊常起居次行宮使御營巡檢一班常起居

如通侍大夫以下知客省事以下武功大夫以下

下知內侍省帶御器械官充行宮使御營巡檢各歸本班

至大慶殿後閣降輦入西

閣大慶殿簾降前導官並就次易朝服詣御榻前分左

右侍立

知樞密院事簽書樞密院事在東西向左輔一員在知樞密院事之北贊拜東上閤門官一員

入在其北並西向知客省事以下在簽書樞密院事之南稍東西向北上簽書客省事以下又在其南稍却

通事舍人等分引行事執事陪祠文武官各綰結佩入

詣大慶殿庭立班次引禮部侍郎奏請中嚴侍臣詣幄奉迎內外符寶郎奉寶先出陳於御榻之左右少頃引禮部侍郎奏外辦皇帝服通天冠絳紗袍綰結佩出西閣乘輿稱警蹕侍衛如常儀由西房至御榻西降輿皇帝即御座南向侍臣夾侍贊拜東上閤門官於御榻前

贊拜樞密以下拜殿之上下應在位官皆再拜

東上閣門官贊

拜訖轉身北向隨拜訖面西贊各祇候

次禮直官引左輔詣御座前俛伏

跪奏稱左輔具官臣某言請皇帝降座詣齋室奏訖俛

伏興還侍立

凡左輔奏請准此

皇帝降座乘輿由東房入齋室

侍臣各還所司直衛者如常儀通事舍人分引行事執

事陪祠文武官以次出

三省親王樞密宗室起居問聖體並如儀

應行事執

事陪祠官及從升者並散齋七日宿于正寢致齋三日

各宿于其次

三省樞密院官各宿於其本廳及都堂待從官并尚書侍郎分宿于秘書省中書省

後餘官內室有所司者各宿於其司
諸方客使許赴陪位者各宿於其次
凡散齋治事如故
惟不弔喪問疾作樂判書刑殺文書決罰罪人及與穢
惡致齋之日官給酒饌唯祭事得行其餘悉禁與祭之
官已齋而闕者通攝行事

奏告

前祭二日奏告太宗皇帝室如常告之儀

陳設

前祭三日殿中監帥其屬尚舍設大次於外壝東門之

內道北南向小次于午階之東西向儀鸞司設文武侍
臣次於大次之前隨地之宜行事陪祠官宗室及有司
次于東墻東門之外設東方南方客使次于文官之後
西方北方客使次于武官之後又設驥慢于內墻東門
之外道北南向前祭二日郊社令帥其屬掃除壇之上
下開瘞坎于壇子階之北壬地方深取足容物南出陞
光祿牽牲詣祠所大晟陳登歌之樂于壇上稍南北向
設宮樂于壇南內墻之外立舞表于鄼綴之間前祭一日

太常設神位席太史設神位版神州地祇位于壇上北方南向席以橐秸太宗皇帝位于壇上東方西向席以蒲越奉禮郎禮直官設皇帝位版于壇下小次前西向飲福位于壇下午階之西北向望瘞位于瘞坎之南北向設燿火于望瘞位之西北向

東西各六人

贊者設亞終獻位于

小次之南稍東西向大禮使太宰左丞又於其南行事吏部戶部禮部尚書吏部禮部侍郎光祿卿讀冊舉冊官光祿丞位于大禮使之後

光祿丞稍却

奉禮郎搏黍太祝

郊社大官令位於小次之東北俱西向北上監察御史
位二一于壇下午階西南一于子階西北俱東向協律
郎位二一于壇上樂簾之西北一于宮架之西俱東向
大樂令位于登歌樂簾之北大司樂位于宮架之北良
醞令位於酌尊所俱北向又設陪祠文武官位於執事
官之南諸方客使在文官之南隨其方國光祿陳牲于
東壝門外西向祝史各位于牲後太常設省牲位于牲
西大禮使太宰左丞在南北向西上行事吏部戶部禮

部尚書吏部禮部侍郎大司樂光祿卿讀冊舉冊官大

樂令光祿丞奉禮協律郎搏黍太祝郊社太官令在北

南向西上

凡設大樂令以下位皆稍却

監察御史在吏部尚書之西

異位稍却光祿陳禮饌于東墻門外道南北向太常設

省饌位版于禮饌之南大禮使太宰左丞在南北向西

上監察御史位二俱在西東向行事吏部戶部禮部尚

書吏部禮部侍郎大司樂光祿卿讀冊舉冊官大樂令

光祿丞奉禮協律郎搏黍太祝郊社太官令在東西向

俱北上禮部帥其屬設冊祝案于神位之右司尊彝帥其屬設玉幣篚于酌尊所次設籩豆簋簋之位正配位皆左十有一籩右十有一豆俱為三行俎三一在籩前二在豆右為二重登一在籩豆間簋一簋一在籩豆之外簋在左簋在右又設尊拈之位正配位皆太尊五山尊五為二重在壇上東西隅北向西上

配位設于正位酒尊之東太尊

在前皆有拈架勺霤為酌尊又太尊二山尊二在神位

前著尊二犧尊二在午階之西

配位設于酉階之北

象尊二壺尊六

在壇下午階之西俱北向西上

配位即設于酉階之北東向

皆加冪

設而不酌又設正配位籩豆簋簋盤俎各一於饌幔內

設御洗二於壇下午階之南北向

盥洗在東爵洗在西

壘在洗東

加勺篚在洗西南肆實以巾

若爵洗之篚則又實以爵加坫

設皇帝洗

位于洗南北向內侍酌水位于洗東執巾位於酌水內

侍之北俱西向吏部侍郎位於爵洗之西東向又設亞

終獻盥洗於本位之南壘篚各設于左右皆西向執壘

篚者位其後祭日丑前五刻郊社令與太史官屬各服

其服升壇設神州地祇太宗皇帝位版於壇上太府卿

少府監帥其屬陳玉幣于籩

玉以兩圭有邸盛以匣禮配位不用玉幣皆以黑

神之玉各置于神位前瘞玉加于幣光祿卿帥其屬入

實正配位籩豆簋簋

籩三行以右為上第一行形鹽在前魚鱸鰒次之第二行榛實在前

乾桃乾榛乾棗次之第三行菱在前芡桌鹿脯次之豆三行以左為上第一行芹菹在前筍菹葵菹菁菹次

之第二行韭菹在前醢食魚醢兔醢次之第三行豚拍在前鹿醢醢醢次之簋實以稻簋實以黍登實以大羹

盤實以毛血

太官令帥其屬入實俎

籩前之俎一實以牛腥七體兩髀兩肩兩脅并

脊兩髀在兩端兩肩兩脅次之脊在中豆右之俎二為二重以北為上第一重實以牛腥腸胃肺離肝一在上

端判肺三次之腸三胃三又次之第

二重實以牛熟腸胃肺其載如腥良醞令帥其屬入

實尊

大尊實以泛齊山尊實以醴齊著尊實以盎齊犧尊實以醢齊象尊實以沉齊各以一尊實明水壺

尊三實玄酒三實三酒明水玄酒皆在上

太常設燭于神位前又設大禮使

以下行事執事官攝位于外階之東內壝內如省牲位所司陳異寶嘉瑞及伐國之寶於宮架之南東西相向

政和五禮新儀卷八十五

欽定四庫全書

政和五禮新儀卷八十六

吉禮

皇帝祭神州地祇儀中

車駕自大慶殿詣青城

前祭一日陪祠文武官先詣祠所其日導駕官以下就次各服其服尚輦奉御進輿于齋殿乘黃令進御輅于宣德門內南向設千牛將軍一員位于輅前北向門下

侍郎一員位于左輔之前贊者二人位又于其前少頃

東上閣門御史臺太常寺分引左輔門下侍郎太僕卿

乘黃令詣大慶殿西階下立北向東上

乘黃令位其后

次引導

駕官在其後分東西相向立以俟奉迎前導次管軍臣

僚次行官使御營巡檢等又在其後禮直官通事舍人

引禮部侍郎奏請中嚴

凡左輔門下侍郎禮部侍郎奏請皆禮直官通事舍人引

少

頃又奏外辦皇帝服通天冠絳紗袍乘輿以出降自西

階稱警蹕如常儀宣贊舍人贊左輔以下常起居次導

駕官常起居

已起居者止奏聖躬萬福

次管軍臣僚次行宮使御營

巡檢等常起居

該宣者即宣名

太僕等出詣玉輅所攝衣而升

正位執轡導駕官前導皇帝出大慶殿門外至玉輅所

千牛將軍前跪執轡左輔進當輿前俛伏跪奏左輔

具官臣某言請皇帝降輿升輅奏訖俛伏興退復位

凡左

輔奏請准此

乘黃令稍前東向進玉輅皇帝降輿升輅太僕

卿立設綏導駕官分左右步導門下侍郎進當輅前俛

伏跪奏門下侍郎具官臣某言請車駕進發奏訖俛伏

興退復位

凡門下侍郎奏請准此

車駕動稱警蹕左輔先詣宣德

門內以俟門下侍郎及贊者夾侍以出千牛將軍夾輅而趨車駕將及宣德門至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳勅侍臣上馬諸侍衛之官各督其屬左右翊駕在黃麾內符寶郎奉八寶前導殿中監后部從導駕官夾侍于前贊者在左輔門下侍郎之前侍臣上馬畢次大內留守于宣德門外再拜奉辭門下侍郎奏請車駕

進發車駕動稱警蹕不鳴鼓吹大駕鹵簿前導赴青城
車駕將至青城東上閤門御史臺分引陪祠文武官宗
室客使禮直官贊者引行事執事官俱詣齋殿門下立
班再拜奉迎訖退

內有已起居者
止奏聖躬萬福

車駕及門少駐文武

侍臣皆下馬導駕官步導入門車駕動千牛將軍夾輅
而趨至齋殿前廻輅南向千牛將軍立于輅右左輔奏
請皇帝降輅乘輿尚輦奉御進輿于輅後皇帝降輅乘
輿入齋殿侍衛如常儀導駕官步導至殿門皇帝降輿

歸殿后閣簾降通事舍人承旨勅羣官各還次學士院

以祝冊授通政司進御書訖付尚書禮部

如朝獻朝享即並如夏祭

大禮車駕自太

廟詣青城儀

省牲器

省牲之日午後十刻去壇三百步禁行者未后二刻郊

社令帥其屬掃除壇之上下司尊彛帥其屬府史及執

事者以祭器入設于位

凡設祭器皆藉以席遠豆又加巾蓋

太府卿少府

監入陳玉幣于篚

告潔畢權徹

未后三刻禮直官贊者分引

大禮使以下詣東墻門外省牲位立定光祿卿丞與執

事者牽牲就位禮直官贊揖贊者引大司樂入行樂架

凡亞獻終獻行事皆禮直官太常博士引大禮
使太宰左丞行事皆禮直官引餘官皆贊者引次引禮

部尚書升自卯階

凡行事執事官升降皆自卯階

視滌濯次引太宰申

眡濯既執事者舉幕曰潔俱復位禮直官稍前曰告潔

畢請省牲次引禮部尚書侍郎稍前省牲訖退復位次

引光祿卿出班巡牲一匝西向躬曰充曰備次引光祿

丞出班巡牲一匝西向躬曰臚俱復位禮直官稍前曰省

牲畢請就省饌位贊揖訖引大禮使以下各就位立定
禮直官贊揖所司省饌具畢禮直官贊省饌畢揖訖俱
還齋所光祿卿丞及執事者以次牽牲詣厨授太官令
次引禮部尚書詣厨省鼎鑊視濯漑協律郎展視樂器
乃還齋所晡后一刻太官令帥宰人以鸞刀割牲祝史
各取毛血實于盤俱置饌所遂烹牲郊社令帥其屬掃
除壇之上下

奠玉幣

祭日丑前五刻

行事用丑時七刻

諸與祭及陪祠之官各服其

服郊社令與太史官屬入設神位版太府卿少府監入
陳玉幣光祿卿入實籩豆簋簋太官令入實俎良醢令
入實尊樂正帥工人二舞以次入與執尊罍篚霤者各
就位次通事舍人等分引陪祠文武官及宗室客使各
入就位次禮直官贊者分引大禮使以下行事執事
官就卯階內墻門外揖位立定禮直官贊揖次監察御
史次引大禮使以下入就位次引監察御史按視壇之

上下糾察不如儀者退復位尚輦奉御進輿于齋殿皇帝服通天冠絳紗袍乘輿以出近侍及扈從之官導從至大次門外皇帝降輿入次簾降禮儀使樞密院官太常卿東上閣門官太常博士禮直官分立于大次外之左右次引禮部侍郎詣前奏請中嚴少頃又奏外辦符寶郎奉寶陳于宮架之北禮儀使當次前俛伏跪奏禮儀使臣某言請皇帝行事奏訖俛伏興還侍位

禮儀使奏請禮

畢准此

簾卷皇帝服裘被袞以出侍衛如常儀禮儀使以

下前導至中壝門外殿中監跪進大圭殿中少監副之

凡殿中監進圭受圭皆少監副之禮儀使奏請執大圭前導皇帝入自

正門待衛不應入者止于門外協律郎跪俛伏舉麾興凡行禮執事者取物奠物

皆跪俛伏興工鼓祝宮架儀安之樂作皇帝升降行止皆作儀安之樂至午

階版位西向立偃麾戛敔樂止凡行禮皆禮儀使樞密院官太常卿東上閤門

官太常博士禮直官前導至位則分引分左右禮儀使前奏有司謹具請行事

宮架作寧安之樂廣生儲祐之舞八成止光祿瘞血禮

儀使奏再拜皇帝再拜贊者曰再拜在位官皆再拜內

侍取玉幣於篚立于尊所次引太宰吏部尚書侍郎升
詣神州地祇神位前立太宰吏部尚書俱西向北上侍
郎東向禮儀使以下前導皇帝詣盥洗位宮架樂作至
洗位北向立樂止內侍酌水以進禮儀使奏請搢大
圭盥手內侍跪取巾于篚興以進皇帝帨手內侍受巾
跪奠于篚禮儀使奏請執大圭前導皇帝升壇大禮使
從皇帝升降大禮使皆從左右侍衛量人數升宮架樂作至壇下樂止升自
午階登歌樂作至壇上樂止登歌禧安之樂作殿中監

跪進鎮圭禮儀使奏請搢大圭執鎮圭前導至神州地祇神位前北向立內侍前設纁藉於地禮儀使奏請奠鎮圭于纁藉執大圭俛伏興又奏請搢大圭跪內侍加玉于幣以授吏部尚書吏部尚書以授太宰太宰西向跪以進禮儀使奏請授玉幣皇帝受奠訖吏部侍郎東向跪受以興進奠于神州地祇神位前太宰吏部尚書侍郎俱詣太宗皇帝神位前以俟禮儀使奏請執大圭俛伏興內侍取鎮圭纁藉詣太宗皇帝神位前先設纁

藉於地禮儀使奏請再拜皇帝再拜訖樂止禮儀使前

導皇帝詣太宗皇帝神位前東向奠幣並如上儀

惟登歌作

化安之樂太宰以下俱復位禮儀使前導皇帝還版位登歌

樂作內侍舉鎮圭繅藉以鎮圭授殿中監以還有司皇
帝降階樂止宮架樂作至版位西向立樂止祝史奉毛
血盤立于壝門外由其階升太祝迎于壇上俱進奠于
神位前祝史太祝退立于奠所

政和五禮新儀卷八十六

欽定四庫全書

政和五禮新儀卷八十七

吉禮

皇帝祭神州地祇儀下

進熟

祭日有司陳鼎二于神厨各在鑊右太官令帥進饌者

詣厨以匕升牛于鑊實于二鼎

肩臂膂肱脇正脊一直脊一橫脊一長骨一短

脅一代脅一皆二骨皆設局幕祝史對舉陳于饌幔內以並正配位各一鼎

重行西向以南為上光祿實籩豆簋簋于饌幔內

籩實以粉

簠豆食以糝食簋實以梁簋實以稷

次引禮部侍郎詣饌所視腥熟之節

俟皇帝升奠玉幣訖還位樂止引禮部尚書詣饌所執

籩豆簋簋以入戶部尚書詣饌所奉俎以入太官令引

入門宮架豐安之樂作設于卯階下北向西上奉牲者

在南祝史抽扃委于鼎右除冪初鼎序入有司執匕及

俎以從至卯階下各設于鼎西匕加于鼎太官令以匕

升牛載于一俎

肩臂肝在上端肫膈在下端脊脅在中正配位各一俎

鼎先退次

祝史進徹毛血盤以次出次引禮部尚書搢笏執籩豆
簋簠戶部尚書搢笏奉俎以升執事者各迎于壇上禮
部尚書奉籩豆簋簠詣神州地祇神位前北向跪奠啟
蓋于下執笏俛伏興有司設籩于糗餌前豆于醢醢前
簋于稻前簠于黍前次引戶部尚書奉俎詣神州地祇
神位前北向跪奠訖執笏俛伏興有司設于豆前次詣
太宗皇帝神位前東向跪奠並如上儀樂止俱降復位
太祝取菹揉于醢祭于豆間三又取黍稷肺祭如初皆

藉以茅各還尊所次引太宰左丞詣神州地祇神位前
西向立以北為上次引吏部侍郎詣爵洗位東向立禮
儀使前導皇帝詣盥洗位宮架樂作至洗位西向立樂
止內侍酌水以進禮儀使奏請搢大圭盥手內侍跪取
巾于篚興以進皇帝帨手內侍受巾跪奠于篚禮儀使
奏請執大圭前導皇帝詣爵洗位宮架樂作至洗位北
向立樂止吏部侍郎跪取爵于篚興以進禮儀使奏請
搢大圭受爵內侍酌水以進禮儀使奏請洗爵內侍跪

取巾于篚興以進皇帝拭爵內侍受巾跪奠于篚吏部
侍郎受爵升自午階禮儀使奏請執大圭前導皇帝升
壇宮架樂作至午階樂止升自午階登歌樂作至壇上
樂止登歌充安之樂作吏部侍郎奉爵詣正位酌尊所
西向立酌尊者舉冪良醞令酌太尊之泛齊訖先詣配
位酌尊所北向立禮儀使前導皇帝詣神州地祇神位
前北向立禮儀使奏請搢大圭跪吏部侍郎以爵授左
丞左丞授太宰太宰西向跪以進禮儀使奏請執爵祭

酒

三祭于茅直

奠爵執大圭俛伏興又奏請皇帝少立樂止

太宰左丞俱詣太宗皇帝神位前北向立以俟舉冊官
舉祝冊進于神州地祇神位之右讀冊官搢笏東向跪
讀冊文讀訖執笏興先詣太宗皇帝神位前南向立禮
儀使奏請再拜皇帝再拜有司奠冊于神州地祇神位
前禮儀使前導皇帝詣太宗皇帝神位前酌獻並如上
儀惟登歌作詔安之樂太宰以下俱復位禮儀使前導皇帝還版
位登歌樂作降階樂止宮架樂作至版位西向立樂止

禮儀使奏請還小次宮架樂作將至小次禮儀使奏請
釋大主殿中監跪受大主皇帝入小次簾降樂止文舞
退武舞進宮架儀安之樂作舞者立定樂止初皇帝將
詣小次禮直官太常博士引亞獻詣盥洗位北向立搢
笏盥手帨手執笏詣爵洗位北向立搢笏洗爵拭爵以
授執事者執笏升詣正位酌尊所西向立宮架作隆安
之樂厚載凝福之舞執事者以爵授亞獻亞獻搢笏執
爵執尊者舉罍大官令酌山尊之醴齊訖先詣配位酌

尊所北向立亞獻以爵授執事者執笏詣神州地祇神位前北向搢笏跪執事者以爵授亞獻亞獻執爵祭酒

三祭于

茅苴

奠爵執笏俛伏興少退北向再拜次詣太宗皇

帝神位前酌獻並如上儀樂止降復位初亞獻行禮將畢次禮直官太常博士引終獻詣洗及升壇酌獻並如亞獻之儀降復位初皇帝既奠玉幣光祿以左臂一骨及長脅短脅俱二骨以並載于胙俎設于飲福位之西俟終獻既升獻贊者引戶部尚書搏黍太祝太官令詣

飲福位東向立奉俎豆爵酒者各位其後禮儀使奏請
執大圭前導皇帝詣飲福位將至位樂止宮架禧安之
樂作皇帝至飲福位北向立尚醞典御執事升詣酌尊
所良醞令酌上尊福飲合置一尊典御奉尊降至飲福
位以授殿中少監尚醞奉御執爵殿中少監酌之奉御
以爵酒授殿中監西向捧以立禮儀使奏請再拜皇帝
再拜殿中監跪以爵酒進禮儀使奏請搢大圭跪受爵
祭酒

三祭
于地

啐酒奠爵殿中監跪受爵以興諸太祝帥執

事者持胙俎進減神位前正脊二骨橫脊二骨加于俎上內侍受俎以授戶部尚書戶部尚書西向跪以進皇帝受俎奠之戶部尚書受俎以興復位太官令取黍於簠搏以授太祝太祝受以豆東向跪以進皇帝授訖奠之太祝受豆以興復位次殿中監再跪以爵酒進禮儀使奏請受爵飲福酒奠爵殿中監受虛爵以興以授典御奉御北向立執事者俱復位禮儀使奏請執大圭俛伏興又奏請再拜皇帝再拜樂止禮儀使前導皇帝還版位宮架樂作至版位西向立

樂止次引禮部尚書升壇徹籩豆戶部尚書升壇徹俎

籩豆俎各一
俱少移故處

登歌成安之樂作卒徹樂止禮部戶部尚

書降復位禮直官曰賜胙行事陪祠官拜贊者承傳曰
賜胙再拜在位官皆再拜送神宮架寧安之樂作一成
止

望瘞

寧安之樂畢禮儀使奏請詣望瘞位前導皇帝詣望瘞
位宮架樂作至位北向立樂止初賜胙再拜訖郊社令

以黍稷肺祭藉以白茅束之吏部侍郎帥太祝執篚進
詣神位前取玉幣祝冊藉以茅以俎載牲體黍稷飴爵
酒各由其階降壇東行詣瘞以玉幣祝冊饌物置於坎
禮直官曰可瘞舉燿火寘土平坎禮儀使奏禮畢前導
皇帝還大次宮架樂作至中壝門外禮儀使奏請釋大圭
殿中監跪受大圭以還有司侍衛如常儀皇帝至大次
樂止禮部郎中奏解嚴引大禮使以下詣卯階東內壝
門外揖位立禮直官贊禮畢揖訖退通事舍人引陪祠

文武官及宗室客使以次出將士不得輒離部位

行宮齊殿

受賀並如夏祭大禮明禋殿受賀儀

車駕還內

前期殿中監率其屬尚舍設御幄於大慶殿門之東南向大晟設宮架於宣德門外稍南其日禮畢所司轉仗衛鹵簿於還塗如來儀文武百官宗室客使先詣宣德門外就次以俟立班奉迎乘黃令進金輅於行宮殿門外南向千牛將軍一員執長刀立於輅右尚輦奉御進輿於齋

殿導駕官俱詣齋殿門外奉迎禮部侍郎奏請中嚴少頃又奏外辦簾捲皇帝服通天冠絳紗袍乘輿以出應導駕官等並迎駕奏聖躬萬福訖

內祇應官贊謝皆再拜

太僕卿

出詣金輅所攝衣而升正立執轡皇帝乘輿降自西階至金輅所左輔奏請降輿升輅太僕卿立授綏千牛將

軍御駕如來儀門下侍郎奏請車駕進發

有司并具大輦若乘輦即

云降輿乘輦

車駕動稱警蹕侍衛如儀至侍臣上馬所門下

侍郎奏請車駕少駐勅侍臣上馬左輔前承旨退稱曰

制可門下侍郎傳制稱侍臣上馬贊者承傳勅侍臣上
馬門下侍郎奏請車駕進發車駕動稱警蹕鼓吹及諸
軍樂振作車駕將至宣德門外文武百官宗室客使並
立班再拜奉迎退次大內畱守見再拜訖退車駕至宣
德門外少駐文武侍臣皆下馬步導千牛將軍降立于
輅右車駕動千牛將軍夾輅而趨大樂正奏采茨之樂
入門樂止車駕至幄前左輔奏請降輅乘輿

若乘輦即
奏云降輦

皇帝降輅乘輿以入禮部郎中奏解嚴通事舍人承旨

勅羣官各還次將士各還其所

若大赦並如夏祭大
禮宣德門肆赦之儀

政和五禮新儀卷八十七

欽定四庫全書

政和五禮新儀卷八十八

吉禮

祭神州地祇儀

有司關行事

政和五禮新儀卷八十八

欽定四庫全書

政和五禮新儀卷八十九

吉禮

皇帝祭太社太稷儀上

闕

政和五禮新儀卷八十九

欽定四庫全書

政和五禮新儀卷九十

吉禮

皇帝祭太社太稷儀中

闕



政和五禮新儀卷九十

欽定四庫全書

史部

政和五禮新儀卷九十一至

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣姜今熙

欽定四庫全書

政和五禮新儀卷九十一

吉禮

皇帝祭太社太稷儀下

進熟

祭日有司陳鼎十

牛鼎二羊
豕鼎八

於神厨各在鑊右太官令

帥進饌者詣厨以匕升牛於鑊實於一鼎

肩臂腰肥脰
正脊一直脊

橫脊一長脅一短脅一代脅一皆二骨以

皆設扃霏

並次升羊如牛升豕如羊正配位各一鼎

祝史對舉陳於饌幔內重行東向以北為上光祿實籩

豆簋簋於饌幔內

籩實以粉簠豆實以粢
食簋實以梁簋實以稷

次引禮部侍

郎詣饌所視腥熟之節俟皇帝升奠玉幣訖還位樂止

引禮部尚書詣饌所執籩豆簋簋以入戶部兵部工部

尚書詣饌所奉俎以入太官令引太社太稷之饌入自

正門配位之饌入自左闔宮架豐安之樂作設于西階

下南向東上奉牲者在北祝史抽扃委于鼎右除罍初

鼎序入有司執匕及俎以從至酉階下各設于鼎東匕

加于鼎太官令以七升牛載於一俎

肩臂臑在上端肱在下端脊脅在

中正配位各一俎

鼎先退次祝史進徹毛血盤以次出次引禮

部尚書搢笏執籩豆簋簋戶部尚書搢笏奉俎以升執

事者各迎于壇上禮部尚書奉籩豆簋簋於太社神位

前南向跪奠啟蓋於下執笏俛伏興有司設籩於粢餌

前豆於醢醢前簋於稻前簋於黍前次引戶部兵部工

部尚書奉俎詣太社神位前

先薦牛次薦羊三薦承

南向跪奠訖

執笏俛伏興有司設於豆前次詣后土勾龍氏神位前

西向跪奠並如上儀次詣太稷壇正配位跪奠如太社壇之儀樂止俱降復位太祝取苴擣于醢祭于豆間三又取黍稷肺祭如初皆藉用茅各還尊所次引太宰左丞詣太社神位前東向立以南為上次引吏部侍郎詣太社爵洗位西向立禮儀使前導皇帝詣太社盥洗位宮架樂作至洗位南向立樂止內侍跪取巾于篚以進皇帝執手內侍受巾跪奠于篚禮儀使奏請執大圭前導皇帝詣爵洗位宮架樂作至洗位南向立樂止吏部

侍郎跪取爵於篚興以進禮儀使奏請搢大圭受爵內
侍酌水以進禮儀使奏請洗爵內侍跪取巾於篚吏部
侍郎受爵升自西階禮儀使奏請執大圭前導皇帝升
壇宮架樂作至西階樂止自西階登歌樂作至壇上樂止
登歌欽安之樂作吏部侍郎奉爵詣正位酌尊所東向
立執尊舉冪良醞令酌太尊之泛齊訖先詣配位酌
尊所南向立禮儀使前導皇帝詣太社神位前南向立
禮儀使奏請搢大笏跪吏部侍郎以爵授左丞左丞授

太宰太宰東向跪以進禮儀使奏請執爵祭酒

三祭于茅苴

奠爵執大圭俛伏興又奏請皇帝少立樂止太宰左丞俱詣后土勾龍氏神位前南向立以俟舉冊官舉祝冊進於太社神位之右讀冊官搢笏西向跪讀祝冊讀訖執笏興先詣后土勾龍氏神位前北向立禮儀使奏請再拜皇帝再拜有司奠冊於太社神位前禮儀使前導皇帝詣后土勾龍氏神位前酌並如上儀

惟登歌作徽安之樂次

詣太稷壇正配位酌獻並如太社壇之儀

正位作阜安之樂配位作

明安
之樂

太宰以下俱復位禮儀使前導皇帝還版位登歌
樂作降階樂止宮架樂作至版位東向立樂止禮儀使
奏請還小次宮架樂作將至小次禮儀使奏請釋大圭
殿中監受大圭皇帝入小次簾降樂止文舞退武舞進
宮架儀安之樂作舞者立定樂止初皇帝將詣小次禮
直官太常博士引亞獻詣盥洗位南向立搯笏盥手帨
手執笏詣爵洗位南向立搯笏洗爵拭爵以授執事者
執笏升詣正位酌尊所東向立宮架樂作處安之樂殯

福報功之舞執事者以爵授亞獻亞獻搢笏執爵執尊者舉簾太官令酌山尊之醴齊訖先詣配位酌尊所南向立亞獻以爵授執事者執笏詣太社神位前南向搢笏跪執爵者以爵授亞獻執爵祭酒三祭于茅苴奠爵執笏

俛伏興少退南向再拜次詣后土勾龍氏神位前酌獻並如上儀樂止降復位次詣太稷洗位及升壇酌獻如社稷之儀降復位初亞獻行禮將畢次禮直官太常博士引終獻詣洗及升壇酌獻並如亞獻之儀降復位初

皇帝既奠玉幣光祿以牛左臂一骨及長脅短脅俱二骨以並載於胾俎設于飲福位之東俟終獻既升獻贊者引戶部尚書搏黍太祝太官令詣飲福位西向立俎豆爵酒者各位其後禮儀使奏請詣飲福位簾捲皇帝出次宮架樂作殿中監跪進大圭禮儀使奏請執大圭前導皇帝詣飲福位將至位樂止宮架賚安之樂作皇帝至飲福位南向立尚醢典御執尊升詣酌尊所良醢令酌上尊福酒合置一尊典御奉尊降詣飲福位以

授殿中少監尚醢奉御執爵殿中少監酌之奉御以爵
酒授殿中監殿中監東向捧以立禮儀使奏請再拜皇
帝再拜殿中監以爵酒進禮儀使奏請搢大圭跪受爵
祭酒三祭于地啐酒奠爵殿中監跪受爵以興諸太祝帥執

事者持胙俎進減神位前正脊二骨橫脊二骨加于俎
上內侍受俎以授戶部尚書戶部尚書東向跪以進皇
帝受俎奠之戶部尚書受俎以興復位太官令取黍于
簋搏以授太祝太祝受黍西向跪以進皇帝受訖奠之

太祝受黍以興復位次殿中監再跪以爵酒進禮儀使
奏請受爵飲福酒奠爵殿中監受虛爵以興以授典御
奉御南向立執事者俱復位禮儀使奏請執大圭俛伏
興又奏請再拜皇帝再拜樂止禮儀使前導皇帝還版
位宮架樂作至版位東向立樂止次引禮部尚書升壇
徹籩豆戶部兵部工部尚書升壇徹俎籩豆俎各一登
俱少移故處
歌咸安之樂作卒徹樂止禮部戶部尚書降復位禮直
官曰賜胙行事陪祠官拜贊者承傳曰賜胙再拜在位

官皆再拜送神宮架寧安之樂作一成止

望瘞

寧安之樂畢禮儀使奏請詣望瘞位前導皇帝詣望瘞
位宮架樂作至位北向立樂止初賜胙再拜訖郊社令
以黍稷肺祭藉以白茅束之吏部侍郎帥太祝執籩進
詣神位前取玉幣祝冊藉以茅以俎載牲體黍稷肺爵
酒各由其階降壇西行詣瘞以玉幣祝冊饌物置於坎
禮直官曰可瘞舉燿火瘞半坎禮儀使奏禮畢前導皇

帝還大次宮架樂作至大次門外禮儀使奏請釋大圭
殿中監跪受大圭以還有司侍衛如常儀皇帝至大次
樂止禮部郎中奏解嚴引大禮使以下詣西神門外揖
位立禮直官贊禮畢揖訖退通事舍人引陪祠文武官
及宗室客使以次出將士不得輒離部伍

行宮齋殿受
賀如夏祭大

禮明禮殿
受賀儀

車駕還內

前期殿中監帥其屬尚舍設御幄於大慶殿門外之東

南向大晟設宮架於宣德門外稍南其日禮畢所司轉
仗衛鹵簿於還途如來儀文武百官宗室客使先詣宣
德門外就次以俟立班奉迎乘輿

闕

政和五禮新儀卷九十一

欽定四庫全書

政和五禮新儀卷九十二

吉禮

祭太社太稷儀

有司行事

時日

闕

齋戒

闕

陳設

省牲器

莫玉帛

進熟

望瘞

陳設

原闕

太官令位於其後大司樂大樂令席位於監察御史之
西協律郎位於其後光祿卿席位於大司樂之西並南
向東上又設監察御史位於社稷壇上樂簾之南在東
西向南上奉禮郎太祝郊社令位於社稷壇上樂簾之
南在西東向南上大樂令位於樂簾之間太官令位於
酌尊所俱南向協律郎位三一於社壇上樂簾之東一
於稷壇上樂簾之東一於宮架之東俱南向大司樂位
於宮架之南南向

省牲器

前祭一日行事執事官集初獻齋所肄儀太祝習讀祝文視玉幣及神位版訖禮直官贊者分引行事執事官詣西神門外省牲位

凡初獻行事禮直官引餘官皆贊者引

立定禮直官

贊揖次引大司樂入行樂架次引監察御史詣社壇升

自酉階

凡行事執事官升降皆自酉階

視濯滌執事者舉冪曰絜次詣

稷壇如上儀降復位禮直官稍前曰告絜畢詣省牲位太祝出班巡牲一匝詣初獻前東向躬曰充退復位光祿

丞出班巡牲一匝詣初獻前東向躬曰臚退復位禮直
官贊省牲畢請就省饌位揖訖引行事執事官各就位
立定禮直官贊揖所司省饌具畢禮直官贊省饌畢揖
訖俱還齋所光祿丞太祝以次牽牲詣厨授太官令次
引監察御史詣厨省鼎鑊視祭器漑滌協律郎展視樂
器乃還齋所未後一刻太官令帥宰人以鸞刀割牲祝
史以槃取毛血置於饌所遂烹牲脯後郊社令帥其屬
掃除壇之上下訖還齋所

奠玉帛

祭日丑前五刻

行事春冬用丑時七刻秋用丑時一刻

郊社令先入視設

神位版訖退樂正帥工人二舞入就位

登歌工人俟監祭御史點閱訖

升酉階各就位

次太官令帥其屬實饌具畢次引光祿卿入詣

子階之北席位南向立贊者曰再拜光祿卿再拜升壇

點視禮饌畢次引監察御史升壇點閱陳設糾察不如

儀者

凡點視及點閱皆先詣正位

光祿卿還齋所餘官各服祭服次

引行事執事官各就西神門外揖位立定禮官贊揖次

引大司樂大樂令協律郎先入就子階北席位南向立
贊者曰再拜大司樂令以下皆再拜各就位次引監察
御史奉禮郎太祝郊社太官令就子階北席位南面立
次引三獻官戶部兵部工部侍郎郎中入就壇下席位
南向立禮直官稍前贊有司謹具請行事協律郎跪俯
伏舉麾興工鼓祝官架作寧安之樂報本昭德之舞八成
偃麾戛敔樂止

凡樂皆協律郎跪俯伏興工鼓祝而後作偃麾戛敔而後止

光祿瘞

血贊者曰再拜在位者皆再拜次引監察御史奉禮郎

太祝郊社太官令升壇各就位立定

太官令就社壇正配位酌尊所次

引初獻詣社壇盥洗位官架正安之樂作

凡初獻升降行止皆作正安之

樂至洗位南向立搢笏盥手悅手執笏升壇樂作登歌

樂作詣太社神位前南向立樂止登歌嘉安之樂作搢

笏跪次引奉禮郎搢笏東向跪執事者以玉幣授奉禮

郎奉禮郎奉玉幣授初獻執笏興先詣后土勾龍氏神

位前南向立初獻受玉幣奠訖執笏俯伏興再拜樂止

次詣后土勾龍氏神位前西向立

配獻詣配位准此

奠帛如上

儀奉禮郎先詣太稷神位前東向立初獻將降壇登歌
樂作降階樂止宮架樂作復位樂止次詣稷壇洗位及
升壇奉幣並如社壇之儀奉禮郎復位初獻將降壇登
歌樂作降階樂止宮架樂作復位樂止

進熟

祭日有司設鼎十於神厨各在鑊右光祿帥進饌者詣

厨以七升牛於鑊實于一鼎

肩臂膈脰脰正脊一直脊一橫脊一長脊一短脊一

代胄一皆二骨以並

次升羊豕如牛各實于一鼎

正位各實牛羊豕各一配位各

寶羊豕
鬯一

皆設扃幕祝史對舉入設於饌幔內俟初獻既

升奠玉幣入陳於酉階下東向北上祝史抽扃委于鬯

右除幕初鬯序入有司執匕及俎以從至酉階下俎各

設于鬯右匕加于鬯光祿以匕升牛載于一俎

肩臂膊
在上端

肫膈在下端
脊脅在中

次升羊豕如牛各載于一俎

正位各設牛
豕俎一配

位各設羊
豕俎一

鬯先退次引戶部兵部工部郎中詣社壇酉

階下搢笏奉俎

戶部奉牛兵部
奉羊工部奉豕

升壇宮架豐安之樂作

詣太社神位前南向跪奠先薦牛次薦羊次薦豕各執

笏俛伏興有司入設於豆

牛在左羊在
中豕在右

次詣后土勾龍

氏神位西向奉俎如上儀樂止俱降復位次詣太稷壇
奉俎並如社稷之儀降復位初奠俎訖引太祝取菹孺
于醢祭于豆間三又取黍稷肺祭如初俱藉以茅退復
位次引初獻再詣盥洗位宮架樂作至洗位南向立搯
笏盥手悅手執笏詣爵洗位南向立搯笏洗爵拭爵授
執事者執笏升壇樂止登歌樂作詣太社酌尊所東向
立樂止登歌嘉安之樂作執事者以爵授初獻初獻搯

笏執爵執尊者舉冪太官令酌太尊之泛齊訖先詣后
土勾龍氏神位酌尊所南向立初獻執爵授執事者執
笏詣太社神位前南向搢笏跪執事者以爵授初獻初
獻執爵祭酒三祭于茅苴奠爵執笏俛伏興少立樂止
次引太祝詣神位前西向搢笏跪讀祝文讀訖執笏興先
詣后土勾龍氏神位前西向立初獻再拜次詣后土勾龍
氏神位酌獻並如上儀太官令復詣稷壇正位酌尊所
太祝詣稷壇正位前前立初獻將降壇登歌樂作降階

樂止宮架樂作復位樂止次詣稷壇洗位及升壇酌獻
並如社壇之儀太官令太祝復位初獻將降壇登歌樂
作降階樂止宮架樂作復位樂止文舞退武舞進宮架
儀安之樂作舞者立定舞止次引亞獻詣盥洗位南向
立搯笏盥手帨手執笏詣爵洗位南向立搯笏洗爵拭
爵以授執事者執笏升詣太社酌尊所東向立宮架作
儀安之樂殯福報功之舞執事者以爵授亞獻搯笏執
爵執尊者舉罍太官令酌山尊之醴齊訖先詣后土勺

龍氏神位酌尊所南向立亞獻以爵授執事者執笏詣
太社神位前南向立搢笏跪執事者以爵授亞獻亞獻
執爵祭酒三祭于茅苴奠爵執笏俛伏興再拜次引詣
后土勾龍氏神位酌尊所行禮並如上儀樂止降階復
位次引詣太稷壇行禮並如社壇之儀降復位次引終
獻詣洗及升壇行禮並如亞獻之儀降復位次引太祝
徹籩豆籩豆各一少移故處登歌娛安之樂作卒徹樂止次引郊
社令束茅俱復位禮直官曰賜胙贊者承傳曰賜胙再

拜在位者皆再拜送神宮架寧安之樂作一成止

望瘞

初寧安之樂畢引三獻官戶部兵部工部郎中詣社壇望瘞位宮架樂作至位樂止有司各詣神位前取玉幣祝版饌物及牲之左髀束茅苴瘞于坎次引監察御史大司樂大樂令奉禮協律郎太祝郊社令詣望瘞位立定禮直官曰可瘞寘土半坎次詣稷壇望瘞位並如上儀次引初獻以下詣西神門外揖位立禮直官贊禮畢揖訖

退太官令帥其屬徹禮饌監察御史詣壇監視收徹訖
還齋所光祿卿以胙奉進監察御史就位展視光祿卿
望闕再拜乃退

政和五禮新儀卷九十二

欽定四庫全書

政和五禮新儀卷九十三

吉禮

州縣祭社稷儀

時日

齋戒

陳設

省饌

行事

時日

州縣以春社日祭社稷前一月檢舉闕所屬排辦

秋社日准

此

齋戒

前祭三日應行事執事官散齋二日治事如故處于正寢不弔喪問疾作樂判書刑殺文書決罰罪人及與穢惡致齋一日其日質明赴祠所齋舍唯祭事得行其餘

悉禁祭官已齋而闕者通攝行事

陳設

前祭二日有司設行事執事官次于壇壝門外量地之
宜前一日有司牽牲詣祠所次掃除壇之上下設登歌
之樂于社稷壇上稍北南向

應頒樂州府則設

祭日丑前五刻

執事者設神位席神位版于壇上設神位南方北向

稷壇

設稷神位准此

席以橐秸后土勾龍氏位于其西東向

稷壇設后稷位

准此

席以莞陳幣篚各于神位之左

幣以黑

祝版各于神位

之右置于坵次設祭器皆藉以席掌饌者實之正配位

各左八簋為三行以右為上

第一行形鹽在前魚鱸次之第二行乾桃在前乾菹

乾棗次之第三行茢在前鹿脯榛實次之

右八豆為三行以左為上

第一行芹菹在

前荀菹次之第二行菁菹在前韭菹魚醢次之第三行兔醢在前鹿鶩醢次之

俎二一在邊

前

實以羊熟十一體肩臂腰肫胙正脊一直脊一橫脊一長脊一短脊一代角一皆二角以韭肩背膷在上

端肫胙在下端脊膷在中

一在豆前

實以豚熟十一體其載如羊

簋一簋一在邊

豆外二俎間簋在左簋在右

簋實以稷簋實以黍

設犧尊三象尊

三在壇上西北隅南向東上

配位即設于正位酒尊之西

皆有坵加

勺冪為酌尊

犧尊一實明水為上尊餘實泛齊初獻酌之象尊一實明水為上尊餘實醴齊亞終

獻酌

又設太尊二山尊二在神位前

太尊一實泛齊山尊一實醴齊各以

一尊實明水

著尊二犧尊二象尊二壺尊六在壇下

著尊一實盞齊

犧尊一實醴齊象尊一實沉齊各以一尊實明水壺尊三實玄酒三實三酒明水玄酒皆在上五齊三酒皆以本

處酒

俱南向東上皆加冪五齊三酒設而不酌有司設

燭于神位前洗二于每壇北階之西南向

盥洗在西爵洗在東

在洗東加勺篚在洗西北肆實以巾

若爵洗之篚則又實以爵加坩執

壘篚者位其後設揖位于壇壝門外初獻在南北向亞

終獻及祝在北南向俱西上

祝位稍却

又設三獻官席位于

北階之地南向西上祝席位于其後又設祝位于社壇上在西東向設初獻飲福席位于社壇神位之東北南向開瘞坎各于逐壇之北壬地方深取足容物南出陞設望瘞位于其南三獻官在南北向西上在東西向

省饌

前祭一日晡後祭官帥其屬常服閱饌物視牲充膾詣厨視滌漑訖各還齋所晡後有司掃除壇之上下

行事

祭日丑前五刻

行事春月丑時七刻秋月丑時一刻

行事執事官各就次

掌饌者帥其屬實饌具畢贊禮者引初獻

凡行事執事官皆贊禮者

引升自北階

凡行事執事者升降皆自北階

點視陳設訖次樂工升東

階各入就位初獻退就次各服祭服次引三獻官以下

詣揖位立定贊禮者贊禮次引祝入就壇下席位立次

引三獻官入就北階北席位立並南向西上贊禮者詣

初獻之右贊請行事寧安之樂作八成止次有司瘞血

贊禮者贊再拜在位者皆再拜次引祝升壇就位立定

次引初獻詣社壇盥洗位正安之樂作

凡初獻升降行止皆作正安之

樂

至洗位南向立搢笏盥手悅手執笏升詣社神位前

南向立樂止嘉安之樂作次引祝詣神位前東向搢笏

跪執事者以幣授祝祝奉幣授初獻訖執笏興先詣后

土勾龍氏神位前南向立初獻受幣奠訖執笏俛伏興

再拜次詣后土勾龍氏神位前奠幣並如上儀祝先詣

稷神位前東向立初獻將降壇樂作復位樂止次至稷

壇盥洗及升壇奠幣並如社壇之儀祝復位初獻將降
壇樂作復位樂止少頃引初獻再詣社壇洗位樂作至
洗位南向立搢笏盥手悅手執笏詣爵洗位南向立搢
笏洗爵拭爵以授執事者執笏升詣社神酌尊所東向
立樂止嘉安之樂作執事者以爵授初獻搢笏執爵執
尊者舉冪執爵者酌犧尊之泛齊初獻以爵授執事者
執笏詣社神位前南向立搢笏跪執事者以爵授初獻
初獻執爵三祭酒奠爵執笏俛伏興少立樂止次引祝

詣神位前西向搢笏跪讀祝文讀訖執笏興先詣后土
勾龍氏神位前南向立初獻再拜次詣后土勾龍氏神
位前獻並如上儀祝先詣稷神位前東向立初獻再拜
將降壇樂作復位樂止次詣稷壇洗位及升壇行禮並
如社壇之儀祝復位初獻再拜將降壇樂作復位樂止
次引亞獻詣盥洗位南向立搢笏盥手帨手執笏詣爵
洗位南向立搢笏洗爵拭爵以授執事者執事升詣社
神酌尊所東向立文安之樂作執事者以爵授亞獻亞

獻搢笏執爵執尊者舉冪執事者酌象尊之醴齊亞獻以爵授執事者執笏詣社神位前搢笏跪執事者以爵授亞獻亞獻執爵三祭酒奠爵執笏俛伏興再拜次詣后土勾龍氏位酌獻並如上儀樂止復位次至稷壇行禮並如社壇之儀降復位次引終獻詣洗及升壇酌獻並如亞獻之儀降復位次引初獻詣飲福位南向立執事者各以爵酌福酒合置一爵持爵詣初獻之左西向立初獻再拜搢笏跪執爵祭酒啐酒奠爵執饌者以胙

俎進減社稷神位前胙肉各置一俎上又以俎取黍稷飯合置一豆先以飯授初獻初獻受訖以授執饌者又以俎授初獻初獻受訖以授執饌者執事者再以爵授初獻初獻卒爵執事者受虛爵復于坫初獻執笏俛伏興再拜退復位贊禮者曰賜胙再拜在位者皆再拜

已飲

福受胙者不拜

送神寧安之樂作一成止次引初獻以下詣望

瘞位立執事者詣神位前取幣祝版置於坎贊禮者曰可瘞寘土半坎次詣稷壇望瘞如上儀初獻以下詣門

外揖位立定贊禮者贊禮畢揖訖退有司監徹禮饌乃退

政和五禮新儀卷九十三

欽定四庫全書

政和五禮新儀卷九十四

吉禮

慶成軍祭后土儀

時日

齋戒

陳設

省餼

行事

時日

太常寺前期以仲春擇日祭后土

仲秋准此

關太史局太史

局擇日報太常寺太常寺叅酌訖具時日下本軍

齋戒

前祭五日應行事執事官散齋三日治事如故宿於正寢不弔喪問疾作樂判書刑殺文書決罰罪人及與穢惡致齋二日一日於廳事唯祭事得行其餘悉禁前祭

一日質明俱赴祠所齋舍祭官已齋而闕者通攝行事

陳設

前祭三日有司設行事執事官次於廟門外隨地之宜
前二日有司牽牲詣祠所前一日掌廟者掃除廟之內

外祭日丑前五刻執事者陳幣篚於神位之左

幣以白

祝

版於神位之右置於坵次設祭器皆藉以席掌饌者實

之左十籩為三行以右為上

第一行乾蓀在前乾棗形鹽魚鱠次之第二行鹿脯

在前榛實乾桃次之第三行菱在前芡栗次之

右十豆為三行以左為上

第一行芹

莖在前笋莖菁莖次之第三
行豚拍在前鹿脯醢醢次之
俎二一在籩前
實以羊腥七體兩髀

兩肩兩脇并脊兩胛在一
在豆前
實以豕腥七體其載如羊
又俎六

在豆右為三重以北為上
第一重一實以羊胛腸胃肺離肺一在上端剗肺三次之

腸三胃三又次之一實以豕腥膚九橫載第二重一實以羊熟腸胃肺一實以豕熟膚其載如腥第三重一實以羊熟十一體肩臂膈肱脰正脊一直脊一橫脊一長
在下端脊腸在中一實以豕熟十
簋二簋二在籩豆外
一體其載如羊皆羊在左豕在右

二俎間簋在左簋在右
簋實以稻粱粱在稻前籩實以黍稷稷在黍前
設犧尊

四象尊四為二重在堂上東南隅北向西上犧尊在前

皆有坫加勺冪為酌尊

犧尊一實明水為上尊餘實泛齊初獻酌之象尊一實明水為

上尊餘實醴齊亞終獻酌之

又設太尊二山尊二在神位前

太尊一實泛齊

山尊一實醴齊各以一尊實明水

著尊二犧尊二象尊二壺尊六在堂

下著尊一實盞齊犧尊一實醴齊象尊一實沉齊各以一尊實明水壺尊三實玄酒三實三酒明水玄酒皆

在上五齊三酒皆以本處酒代

俱北向西上加冪五齊三酒皆設而不

酌有司設燭於神位前洗二於東階下直東嚳北向

盥洗

在東爵洗在西

罍在洗東加勺篚在洗西南肆實以巾

若爵洗之篚則

又實以爵加站

執罍篚者位於其後又設揖位於廟南門外初

獻在西東向亞終獻及祝在東西向北上

祝位稍却

開瘞坎

於廟內堂之壬地方深取足容物南出陞設望瘞位於其南三獻官在南北向西上祝在東西向又設三獻官席位於堂下東階東南西北上設祝席位於庭中北向設祝位於堂上前楹東西向

省饌

前祭一日祭官以下常服閱饌物視牲克臚詣厨省鑊視滌漑訖還齋所晡後掌廟者掃除廟之内外

行事

祭日丑前五刻

行事春用丑時七刻秋用丑時一刻

行事執事官各就次

掌饌者帥其屬實饌具畢贊禮引初獻

凡行事執事官行止皆贊禮者

引升自東階

凡行事執事官升降皆自東階

點視陳設訖退就次各服

祭服初獻以下詣廟南門外揖位立定贊禮者贊揖次

引祝入就堂下席位北向立次引三獻官入就堂下席

位西向立贊禮者詣初獻之右贊請行事訖贊再拜在

位者皆再拜次引祝升堂就位立定有司瘞血次引初

獻詣盥洗位北向立搯笏盥手帨手執笏陞詣后土神位前北向立搯笏跪次引祝詣神位前西向搯笏跪執事者以幣授祝祝奉幣授初獻執笏興退復位初獻受幣奠訖執笏俛伏興少退再拜降復位少頃引初獻再詣盥洗位北向立搯笏盥手帨手執笏詣爵洗位北向立搯笏洗爵拭爵以授執事者執笏陞詣酌尊所西向立執事者以爵授初獻初獻搯笏執爵執尊者舉冪執事者酌犧尊之泛齊初獻以爵授執事者執笏詣后土神

位前北向立搯笏跪執事者以爵授初獻初獻執爵三祭酒奠爵執笏俛伏興少立次引祝詣神位前東向搯笏跪讀祝文讀訖執笏興復位初獻再拜降復位次引亞獻詣盥洗位北向立搯笏盥手俛手執笏詣爵洗位北向立搯笏洗爵拭爵以授執事者執笏升詣酌尊所西向立執事以爵授亞獻亞獻搯笏執爵執尊者舉暴執事者酌象尊之醴齊亞獻以爵授執事者執笏詣后土神位前北向立搯笏跪執事者以爵授亞獻亞獻執

爵三祭酒奠爵執笏俛伏興少退再拜降復位次引終
獻詣洗及升堂行禮並如亞獻之儀降復位贊禮者曰
賜胙再拜在位者皆再拜次引初獻以下就望瘞位執
事者詣神位前取幣祝版置於坎贊禮者曰可瘞寘土
半坎引初獻以下詣南門外揖位贊禮者贊禮畢揖訖
退有司監徹禮饌闔戶以降乃退

政和五禮新儀卷九十四

欽定四庫全書

政和五禮新儀卷九十五

吉禮

祭五方嶽鎮海瀆儀

時日

齋戒

陳設

省饌

行事

時日

太常寺預於隔季以四立土王日祭五方嶽鎮海瀆關

太史局

立春東方立夏南方立秋西方立冬北方土王日四方

太史局以其日報

太常寺參酌訖具時日散告

齋戒

前祭五日應行事執事官散齋三日治事如故宿於正寢不弔喪問疾作樂判書刑殺文書決罰罪人及與穢

惡致齋一日

光祿少卿太官令齋一日

一日於本司

無本司者於太常齋舍質明至

齋所唯祭事得行其餘悉禁前祭一日質明俱赴祠所齋

宮官給酒饌祭官已齋而闕者通攝行事

陳設

前祭三日儀鑾司設行事執事官次於壇壝門外量地之宜前二日光祿牽牲詣祠所前一日光祿陳禮饌位版於禮獻之南三獻官在南北向西上分獻官在其後監察御史在西東向光祿少卿大樂令丞奉禮郎太祝太

官令在東西向北上

凡設奉禮郎以下位皆稍却

大晟設登歌之樂

於壇上稍南北向祭日丑前五刻禮直官贊者諸司職

掌各服其服太常設神位席太史設神位版於壇之上

下獄鎮海瀆位於壇上北方南向西上

唯中央設獄鎮位

席皆

以莞太常陳玉於神位之右

玉以兩圭有邸盛以匣瘞玉用珉

禮神之

玉奠於神前瘞玉加於幣陳幣篚各於神位之左

幣各隨方

色祝版於神位之右置於坫次設祭器皆藉以席光祿

實之各左十邇為三行以右為上

第一行乾蓐在前乾菓形鹽魚鱸次之第

二行鹿脯在前榛實乾桃次
之第三行菱在前芡稟次之
右十豆為三行以左為上

第一行芹菹在前荀菹葵菹菁菹次之
第二行韭菹在前魚醢兔醢次之
第三行豚拍在前鹿醢醢次之

俎二一在邊前
實以羊腥七體兩髀兩肩兩脇并脊一兩髀在兩端兩肩兩脇次之脊在中

在豆前
實以豕腥七體其載如羊
又俎六在豆右為三重以北為上

第一重一實以羊腥腸胃肺離肺一在上端扞肺三次
之腸三胃三又次之一實以豕腥膚九橫載第二重一
實以羊熟腸胃肺一實以豕熟膚其載如腥第三重一
實以羊熟十一體肩臂臠肱胙正脊一直脊一橫脊一
長脇一短脇一代脇一皆二骨以並肩臂腰在上端肱
胙在下端脊脇在中一實以豕熟十一體其載如羊皆
羊在左
簋二簋二在邊豆外二俎間
簋在左簋在右
實

以稻梁梁在稻前簋

實以黍稷稷在黍前銅三在邊豆間

一在前二在後實以羹加芼酒登

二一在銅前

實以太羹

一於邊之左

實以肝膏

盤一在銅後

實以毛血

設犧尊四象尊四為二重在壇上東南隅北向西上犧

尊在前皆有坩加勺冪為酌尊

犧尊一實明水為上尊餘實泛齊代以供內法

酒初獻酌之象尊一實明水為上尊餘實醴齊代以祠祭法酒亞終獻酌之

又設太尊二山

尊二在神位前

太尊一實泛齊山尊一實醴齊各以一尊實明水

著尊二犧尊

二象尊二壺尊六在壇下

著尊一實盎齊犧尊一實醴齊象尊一實沉齊各以一尊

實明水壺尊三實玄酒三實三酒明水玄酒皆在上

俱北向西上加冪五齊三酒

皆設而不酌設山川位於壇下外階南西向北上

五方山川

依五方嶽鎮海瀆位

各左四遵為二行以右為上

第一行乾橐在前形鹽次之第

二行桌在前虎脯次之

右四豆為二行以左為上

第一行芹菹在前葵菹次之第

二行兔醢在前鹿脯次之

登一在遵豆間

實以太羹

俎一在遵豆南

實以羊豕

腥肉

爵一次之左簋一右簋一在爵南

左實以稷右實以黍

蜃尊一

在遵南

實以祠祭法酒

太常設燭於神位前洗二於外階東北

向

盥洗在東爵洗在西

罍在洗東加勺篚在洗西南肆實以巾

若爵

洗之篚則又實以爵加坩

執罍篚者位於其後又設揖位於外階東

內壝之外三獻官在南北向分獻官位其後監察御史
大樂令奉禮郎太祝太官令在北南向俱西上開瘞坎
於西北壬地方深取足容物南出陞設望瘞位於瘞坎
之南三獻官在南北向西上分獻官位其後監察御史
東向大樂令奉禮郎太祝西向北上又設三獻官席位
於外階之東西向北上分獻官位其後監察御史大樂
令席位於午階之南北向奉禮郎太祝太官令位於其
後俱西上光祿少卿席位於監察御史東北向又設監

察御史位於壇上樂廡之北在西東向奉禮郎太祝在東
西向北上大樂令於樂廡西北太官令於酌尊所俱北向

省饌

前祭一日行事執事官集初獻齋所肄儀太祝習讀祝
文視玉幣及神位版訖次禮直官贊者分引行事執事

官就省饌位立定

凡初獻行事禮直官
引餘官皆贊者引

禮直官贊揖所

司省饌具畢禮直官贊省饌畢揖訖俱還齋所次引監
察御史詣厨省饌視祭器滌漑及視牲充膾乃還齋所

未後一刻太官令帥宰人以鸞刀割牲祝史以盤取毛
血置於饌所遂烹牲脯後有司帥其屬掃除壇之上下
訖還齋所

行事

祭日丑前五刻

行事春冬用丑時七刻夏秋用丑時一刻

初獻以下並赴壇

所就次太官令帥其屬實饌畢次引光祿少卿入詣午

階南西位北向立贊者曰再拜光祿少卿再拜升自外

階凡行事執事官升降皆自外階

點視禮饌畢次引監察御史升壇點

開陳設糾刻不如儀者次樂正帥工人升阼階各入就位光祿少卿還齋所餘官各服祭服次引行事執事官詣阼階東揖位立定禮直官贊揖次引太樂令先入就壇下席位北向立贊者曰再拜大樂令再拜升壇就位次引監察御史奉禮郎太祝太官令就壇下席位北向立次引三獻以下入就壇下席位西向立禮直官稍前贊有司謹具請行事凝安之樂作三成止光祿瘞血訖贊者曰再拜在位者皆再拜次引監察御史奉禮郎太

祝太官令升壇各就位立定次引初獻詣盥洗位同安

之樂作

凡初獻升降行止皆作同安之樂

至洗位北向立搯笏盥手帨

手執笏升詣嶽神位前北向立樂止明安之樂作搯笏

跪次引奉禮郎搯笏西向跪執事者以玉幣授奉禮郎

奉禮郎奉玉幣跪授初獻訖執笏興先詣鎮神位前立

初獻受玉幣奠訖執笏俛伏興少退再拜次詣鎮海瀆

神位前奠玉幣並如上儀樂止奉禮郎復位初獻將降壇

樂作復位樂止少頃引初獻再詣盥洗位樂作至洗位北

向立搢笏盥手帨手執笏詣爵洗位北向立搢笏洗爵
拭爵以授執事者執笏升詣獄神酌尊所西向立樂止
成安之樂作執事者以爵授初獻初獻搢笏執爵執尊
者舉冪太官令酌犧尊之泛齊初獻以爵授執事者執
笏詣獄神位前北向立搢笏跪執事者以爵授初獻初
獻執爵三祭酒奠爵執笏俛伏興少立樂止次引太祝
詣神位前東向搢笏跪讀祝文讀訖執笏興詣以次神
位前東向立初獻再拜成安之樂作次詣鎮海瀆酌尊

所酌獻並如上儀樂止太祝復位初獻將降壇樂作復
位樂止次引亞獻詣盥洗位北向立搯笏洗爵拭爵以授執事者執笏
笏詣爵洗位北向立搯笏洗爵拭爵以授執事者執笏
陞詣嶽神酌尊所西向立成安之樂作執事者以爵授
亞獻亞獻搯笏執爵執尊者舉冪太官令酌象尊之醴
齊亞獻以爵授執事者執笏詣嶽神位前搯笏跪執事
者以爵授亞獻亞獻執爵三祭酒奠爵執笏俛伏興再
拜次詣鎮海瀆神位前酌獻並如上儀樂止降復位次

引終獻詣洗升壇酌獻並如亞獻之儀降復位初亞獻
將陞引分獻官詣洗位盥手悅手詣壇下山神位前搢
笏跪奉禮郎跪授幣奉幣奠訖執爵三祭酒奠爵執笏
俛伏興太祝各於神座之右跪讀祝文讀訖太祝復位
分獻官再拜次詣川神位前搢笏跪執爵三祭酒奠爵
執笏俛伏興再拜訖復位五方山川神同禮直官曰賜胙贊者
承傳曰賜胙再拜在位者皆再拜送神凝安之樂作一
成止次引三獻官詣望瘞位有司各詣神位前取玉幣

祝版置於座坎次引監察御史大樂令奉禮郎太祝詣

望座位立定禮直官曰可座寘土半坎

凡座皆先省視訖乃座

引

初獻以下詣外階揖位立定禮直官贊禮畢揖訖退太
官令帥其屬撤禮饌引監察御史詣壇監視收撤訖退

政和五禮新儀卷九十五

欽定四庫全書

政和五禮新儀卷九十六

吉禮

諸州祭嶽鎮海瀆儀

時日

齋戒

陳設

省饌

行事

時日

太常寺前期以立春日祭嶽鎮海瀆

立夏立秋立冬關土王日並准此

太史局太史局以其日報太常寺太常寺叅酌訖具時

日下本州

立春日祭東嶽泰山於兗州界東鎮沂山於青州界東海於萊州界東瀆大淮於唐州界

立夏日祭南嶽衡山

於潭州界南鎮會稽山於越州界南海於廣州界南瀆大江於益州界土王日祭中嶽嵩

山於河南府界

中鎮霍山於晉州界立秋日祭西嶽華

山於華州界

西鎮吳山於瀛州界西海西瀆大河於河中

府界

立冬日祭北嶽恒山及遙祭北鎮醫巫

間山於定州界

北海北瀆大濟於孟州界

齋戒

前享五日應行事執事官散齋三日治事如故宿於正寢不弔喪問疾作樂判書刑殺文書決罰罪人及與穢惡致齋二日一日於廳事唯享事得行其餘悉禁前事一日質明俱赴祠所齋舍享官已齋而闕者通攝行事

陳設

前享三日有司設行事執事官次於廟門外隨地之宜前二日有司牽牲詣祠所前一日掌廟者掃除廟之內

外享日丑前五刻執事者陳幣篚於神位之左祝版於

神位之右置於坵次設祭器皆藉以席掌饌者實之左

十籩為三行以右為上

第一行乾蓀在前乾棗形鹽魚鱸次之第二行鹿脯在前榛實

乾桃次之第三行菱在前茨稟次之

右十豆為三行以左為上

第一行箔菹苴苴在

前荀菹葵苴苴次之第二行韭苴在前魚醢次之第三行豚拍在前鹿鷄醢醢次之

俎二一在

籩前

實以羊腥七體兩脾在兩端兩肩兩脇次之脊在中

一在豆前

實

豕腥七體

俎六在豆右為三重以北為上

第一重一實以羊腥腸胃

肺一在上端剉肺三次之腸三胃三又次之一實以豕腥膚九橫載第二重一實以羊熟腸胃肺一實以豕熟膚

其載如腥第三重一實以羊熟十一體肩臂膊肱胎正脊一直脊一橫脊一長脇一短脇一代脇一皆二骨以並肩臂膊在上端肱胎在下端脊脇在中一實以豕熟十二體其載如羊皆羊在左豕在右 簋二簋

二在籩豆外二俎間簋在左簋在右

簋實以稻梁梁在稻前簋實以黍稷

稷在黍前設犧尊四象尊四為二重在堂上東南隅北向西

上犧尊在前皆有坫加勺冪為酌尊

犧尊一實明水為上尊餘實泛齊初

獻酌之象尊一實明水為上尊餘實醴齊亞終獻酌之

又設太尊二山尊二在神

位前

太尊一實沉齊山尊一實醴齊各以一尊實明水

著尊二犧尊二象尊二

壺尊六在堂下

著尊一實盞齊犧尊一實醴齊象尊一實沉齊各以一尊實明水壺尊三實玄

酒三實三酒明水玄酒皆在
上五齊三酒皆以本處酒代皆北向西上加冪五齊三

酒皆設而不酌有司設燭於神位前洗二於東階下直

東雷北向

盥洗在東
爵洗在西

罍在洗東加勺篚在洗西南肆實

以巾

若爵洗之篚則
又實以爵加地

執罍篚者位於其後又設揖位於

廟南門外初獻在東西向亞終獻及祝在西東向北上

祝位
稍却

開瘞坎於廟內堂下之壬地方深取足容物南出

陞設望瘞位於其南三獻官在南北向西上祝在東西

向又設三獻官席位於堂下東階東南西向北上設祝

席位於庭中北向又設祝位於堂上前楹東西向

省饌

前享一日享官以下常服閱饌物視牲克脂詣厨省鑊視滌漑訖還齋所晡後掌廟者掃除廟之內外

行事

享日丑前五刻

行事春冬用丑時七刻夏秋用丑時一刻

行事執事官各就

次掌饌者帥其屬實饌具畢贊禮者引初獻

凡行事執事官行止

皆贊禮者引

升自東階

凡行事執事官升降皆自東階

點視陳設訖退就次

各服祭服次引初獻以下詣廟南門外揖位立定贊禮者贊揖次引祝入就堂下席位北向立次引三獻官入就堂下席位西向立贊禮者詣初獻之右贊請行事訖贊再拜在位者皆再拜次引祝升堂就位立定執事者瘞血次引初獻詣盥洗位北向立搯笏盥手悅手執笏升詣神位前北向立搯笏跪次引祝詣神位前北向立搯笏跪次引祝詣神位前西向搯笏跪執事者以幣授祝祝奉幣授初獻執笏興退復位初獻受幣奠訖執笏俛

伏興少退再拜降復位少頃引初獻再詣盥洗位北向立
搯笏盥手悅手執笏詣爵洗位北向立搯笏洗爵拭爵以
授執事者執笏升堂詣酌尊所西向立執事者以爵授初
獻初獻搯笏執爵執尊者舉冪執事者酌犧尊之泛齊初
獻以爵授執事者執笏詣神位前北向立搯笏跪執事
者以爵授初獻初獻執爵三祭酒奠爵執笏俛伏興少
立次引祝詣神位前東向搯笏跪讀祝文讀訖執笏興
退復位初獻再拜降復位次引亞獻詣盥洗位北向立

搯笏盥手悅手執笏詣爵洗位北向立搯笏洗爵拭爵以授執事者執笏升詣酌尊所西向立執事者以爵授亞獻亞獻搯笏執爵執尊者舉冪執事者酌象尊之醴齊亞獻授執事者執笏詣神位前北向立搯笏跪執事者以爵授亞獻亞獻執爵三祭酒奠爵執笏俛伏興少退再拜降復位次引終獻詣洗及升堂行禮並如亞獻之儀降復位贊禮者曰賜胙再拜在位者皆再拜次引初獻以下就望座位執事者詣神位前取幣祝版置於

坎贊禮者曰可瘞寘土半坎引初獻以下詣南門外揖
位立贊禮者贊禮畢揖訖退有司監徹禮饌闔戶以降
乃退

政和五禮新儀卷九十六

欽定四庫全書

政和五禮新儀卷九十七

吉禮

皇帝祫享太廟儀一

時日

齋戒

陳設

車駕自景靈宮詣太廟

省牲器

別廟神主過太廟

晨裸

朝踐

饋食

車駕還內

紫宸殿受賀

宣德門肆赦

時日

前期降御札以今年孟冬祫享太廟太常寺帖太史局
於時享前擇日太史局擇日報太常寺叅酌訖申奏具
時日散告

齋戒

前享十日質明有司設行事及助祭文武官位於廟堂
太宰刑部尚書在北南向太宰在左刑部尚書在右

刑部

尚書行事太宰左丞在南吏部戶部禮部兵部工部尚

書

書吏部禮部侍郎大司樂光祿卿大樂令光祿丞功臣

獻官在其南

凡設大樂令以下位皆稍却

執事官又在其南俱北向

西上監察御史位二在西東向讀冊舉冊官奉禮協律

郎太祝郊社太官令在東西向俱北上

奉禮郎以下位皆稍却設

助祭文武百官位於行事官之南又設行事執事及助

祭親王宗室位於太廟齋坊少宰刑部侍郎在北南向少

宰在左刑部侍郎在右

刑部侍郎皆稍却

亞終獻在南北向西上

親王及行事執事助祭宗室在東西向北上東上閤門御

史臺太常寺以下分引羣官各就位

凡將引行事執事助祭文武官立班

即御史臺引殿中侍御史一員先入就位

太宰讀誓於廟堂刑部尚書泣之

少宰讀誓於太廟齋坊刑部侍郎泣之誓文曰今年某

月某日孟冬皇帝祫祀享太廟前一日朝獻景靈宮

各揚其職其或不恭國有常刑讀訖

內朝堂職事官奉禮郎以下文官宣

德郎以下武官從義郎以下先退

餘官並對拜訖退皇帝散齋七日於

別殿致齋三日

二日於大慶殿一日於太廟

凡散齋不弔喪問疾作

樂有司不奏刑殺文書致齋日前後殿不視事唯行享

事前致齋一日殿中監帥其屬尚舍舖御座於大慶殿
當中南向設東西房於御座之左右稍北又設西閣及
齋室於殿後之左右殿上前楹施簾致齋之日贊明有
司陳法駕鹵簿於宣德門外尚輦陳平輦於垂拱殿庭
文武百官俱就次各服其服東上閣門奏請皇帝未後
詣齋室通事舍人等自下分引知樞密院事以下詣垂
拱殿庭立班東上閣門附內侍進班齊牌垂拱殿簾降
皇帝乘輦出至殿上少駐輦官迎駕自贊常起居宣輦

官上殿捲簾鳴鞭行門禁衛諸班親從迎駕自贊常起居次舍人先贊知內侍省官以下常起居次樞密以下通班常起居贊祇候引駕樞密知客省事以下至簽書東上閤門官分左右立尚局應奉官祇應通事大夫以下武功大夫以下並先退次管軍臣僚宣名常起居贊祇候引駕並分左右前導輦降東階垂拱殿門外禁衛諸班親從自贊常起居次行宮使御營巡檢一班常起居

居

如通侍大夫以下知客省事以下武功大夫以下知內侍兩省帶御器械官充行宮使御營巡檢各歸本

班

至大慶殿後閣降輦入西閣大慶殿簾降前導官並

就次易朝服詣御榻前分左右侍立

知樞密院事簽書樞密院事在東西

向北上同知樞密院事在西東向左輔一員在知樞密院事之北贊拜東上閣門官一員又在其北並西向知客省事以下簽書樞密院事之南稍東西通事舍人等

向北上簽書客省事以下又在其南稍却

分引行事執事文武助祭官各綰結佩入詣大慶殿庭

立班次引禮部侍郎奏請中嚴侍臣詣幄奉迎內外符

寶郎奉寶先出陳於御榻之左右少頃引禮部侍郎奏

外辦皇帝服通天冠絳紗袍綰結佩出西閣乘輿稱警

蹕侍衛如常儀由西房至御榻西降輿皇帝即御座南

向侍臣夾侍贊拜東上閣門官於榻前贊樞密以下拜

殿之上下應在位官皆再拜

東上閣門官贊禮訖轉身北向隨拜訖面西贊各祇

候

次禮直官引左輔詣御座前俛伏跪奏左輔具官臣

某言請皇帝降座就齋室奏訖俛伏興還侍位

凡左輔奏請准

此

皇帝降座乘輿由東房入齋室侍臣各還所司直衛

者如常儀通事舍人分引行事執事文武助祭官以次

出

三省親王樞密宗室起居問聖體並如儀

應行事執事助祭官及從陞者

並散齋七日宿於正寢致齋三日各宿於其次

三省樞密院官

各宿於本廳及都堂侍衛官并尚書侍郎分宿於秘書省中書後省餘官內庭有所司者各宿於其司諸方客使許赴倍位者凡散齋治事如故唯不弔喪問疾作樂各宿於其次

判書刑殺文書決罰罪人及與穢惡致齋之日官給酒饌唯享事得行其餘悉禁與享之官已齋而闕者通攝行事

陳設

前享三日殿中監帥其屬尚舍設大次於太廟東門外

道北南向小次於阼階東稍南西向鸞儀司設文武侍臣次於大次之前隨地之宜行事助祭官宗室及有司次於廟之内外設東方南方客使次於文官之後西方

北方客使次於武官之後設饌幔於廟南門之外東西

相向

每室饌幔各一

設權奉安別廟神主幄次於南神門外東

向又設七祀次一於殿下橫街之北道西東向配享功

臣次於殿下橫街之南道之東西相向

每室配享功臣各為一次

前

享二日宮闈令帥其屬掃除廟之内外開墜坎於殿西

階之東南方深足容物南出陞太常設七祀燎柴於齋
宮內光祿牽牲詣祠所太常帥其屬設堂上位每位並
設幄帳鋪筵設几大晟陳登歌之樂於殿上前楹間稍
南北向設宮架於庭中立舞表於鄼綴之間戶部陳諸
州歲貢於宮架南龜為前列金次之玉帛又次之餘為
後東西相向前享一日奉禮郎禮直官設皇帝位版於
阼階上飲福位於東序皇子受爵位於飲福位之北稍
東俱西向贊者設亞終獻位於小次南稍東助祭親王

宗室使相在其南進幣爵酒官受爵酒官奉幣官薦牛
俎官薦邊豆官薦羊俎豕俎魚俎官受幣官壘洗奉爵
官奉瓚槃官進搏黍官舉冊官七祀獻官在助祭宗室
使相之南並西向北上大禮使位於西階之西稍南

與亞

終獻
相對

行事光祿卿讀冊官光祿丞功臣獻官在其西助

祭宰相使相位在大禮使之南執政官在其西又設監
察御史位二於西階下俱東向北上奉禮郎太祝太官
令於東階下俱西向北上協律郎位二一於殿上前楹

間一於宮架西北俱東向大樂令於登歌樂廡之北大司樂於宮架北良醞令於酌尊所俱北向又設助祭文武羣官宗室位於橫街之南諸方客使位於廟門之外隨其方國光祿陳牲於東神門外當門西向以南為上祝史各位於牲後太常設省牲位於西大禮使進幣爵酒官受爵酒官奉幣官受幣官疊洗奉爵官奉瓚盤官位於道南北向西上七祀配享功臣獻官在其後薦牛俎官薦籩豆官大司樂光祿卿進搏黍官讀冊舉冊官大樂

令光祿丞奉禮協律郎太祝太官宮闈令位於道北南

向西上

大樂令以下
位皆稍却

監察御史在薦俎官之右異位稍

却光祿設禮饌於東神門外道北南向太常設省饌位

版於禮饌之南大禮使進幣爵酒官受爵酒官奉幣官

受幣官壘洗奉爵官奉瓚槃官位在南北向西上七

祀配享功臣獻官在其後監察御史位西東向薦牛俎

官薦籩豆官大司樂光祿卿進搏黍官讀冊舉冊官大

樂令光祿丞奉禮協律郎太祝太官宮闈令位在西東

向北上禮部帥其屬設祝冊案於幄次外之右司尊彝
帥其屬設幣筐於酌尊所次設籩豆簋簋之位每位左
十有一籩右十有一豆俱有四行加豆二於豆前登一
在籩豆間銅三在登前簋一簋一在籩豆外簋在左簋
在右設爐炭於幄外稍前設尊彝之位每位太尊五為
二重太尊在前皆有玷在神位之左虎彝一在太尊之
右雌彝一在山尊之右皆有舟俱加勺罍為酌尊又設
太尊二山尊二在神位前著尊二犧尊二在殿上象尊

二壺尊六在下俱北向西上加冪皆設而不酌太常設

七祀位於殿下橫街之北次內

司命戶竈中雷門厲行

又設配享

功臣位於橫街之南次內

韓王趙普周王曹彬位於橫街之南道西東向太師薛居

正太師石熙載鄭王潘美位在其西太師李沆太師王旦太師李繼隆位又在其西又設太師王曾太師呂夷簡侍中曹瑋位於橫街之南道東西向司徒韓琦太師曾公亮位在其東次舒王王安石位次太師蔡確又在其東俱

北上皆設神位席太廟位版於座首司尊彝設祭器

每位左二邊右二豆俎一在神位前爵一次之簋一簋

一在爵之前簋在左簋在右象尊一在簋前加勺冪又

設俎四豆二籩一簋一盤一篚一於南神門外每室

饌幔內設御洗二於阼階下直東雷北向

盥洗在東
爵洗在西

在洗東加勺篚在洗西南肆實以巾

若爵洗之篚則又
實以瓚及爵加站

設皇帝位於洗南北向內侍酌水位於洗東執巾位於

酌水內侍之北俱西向奉瓚爵官位於爵洗西東向又

設亞終獻盥洗於本位之南太官令盥洗於西階下七

祀配享功臣獻官盥洗於從享神位之前

七祀及配享
功臣位前盥

洗各

一 罍篚各設於左右執罍篚者位其後享日丑前五

刻宮聞令開室帥其屬掃除太府卿帥其屬入陳幣於

筐

筐以

光祿卿帥其屬入實籩豆簋簋

籩四行以右為上第一行

魚鱠在前饒餌次之第二行乾蓀在前乾棗形鹽次之
第三行虎脯在前榛實乾桃次之第四行菱在前芡栗
次之豆四行以左為上第一行芹菹在前筍菹葵菹次
之第二行菁菹在前韭菹醢食次之第三行魚醢在前
兔醢豚拍次之第四行鹿麇在前醢醢次之加豆二實
以稻雁稻左雁右簋實以稻簋實以黍登實以太羹鉶
實以羹良醢令帥其屬入實尊彝堆彝實以明水虎彝
實以鬱鬯太尊實以
汎齊山尊實以醴齊著尊實以盞齊犧尊實以醴齊象
尊實汎齊各以一尊實明水壺尊三實玄酒三實三酒
明水玄酒
皆在上
又實七祀配享功臣位禮饌每位左二籩
在前虎脯次之


右二豆菁菹在前鹿醢次之菹實以羊豕腥肉簠實以稷簋實以黍爵一象尊一實以祠祭法酒太常

設燭於神位前又設大禮使以下行事執事官揖位於

東神門外如省牲之位設望燎位於廡坎之南如省饌

之位所司陳異寶嘉瑞及伐國之寶於宮架之南東西

相向



政和五禮新儀卷九十七